



Na osnovu člana 6. stav (1) i člana 7. stav (3) Zakona o investiranju javnih sredstava ("Službene novine Federacije BiH", br. 77/04 i 48/08), člana 3. Pravilnika o investiranju javnih sredstava Općine Novo Sarajevo („Službene novine Kantona Sarajevo“, br. 43/13), člana 19. stav (1) tačka 7 i člana 141. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka), Općinsko vijeće Općine Novo Sarajevo na 1. redovnoj sjednici, održanoj dana 06.02.2025. godine, donijelo je

ODLUKU O IMENOVANJU INVESTICIONOG MENADŽERA OPĆINE NOVO SARAJEVO ZA 2025. GODINU

Član 1.

(Imenovanje)

Prof. dr. Benjamina Karić, načelnica Općine Novo Sarajevo, imenuje se za investicionog menadžera Općine Novo Sarajevo za 2025. godinu.

Član 2.

(Odgovornost)

Investicioni menadžer upravlja i raspolaže sredstvima i odlučuje o investicijama sa pažnjom dobrog privrednika i u najboljem interesu investicijske institucije, poštujući principe sigurnosti, likvidnosti i rentabilnosti.

Član 3.

(Zakonski okvir odlučivanja)

Investicioni menadžer ne može se smatrati odgovornim zbog bilo koje radnje preduzete u dobroj namjeri i sa pažnjom dobrog privrednika i dobrog stručnjaka, a koje su u skladu sa zakonskim ovlaštenjima, investicijskim ograničenjima propisanih Zakonom o investiranju javnih sredstava ("Službene novine Federacije BiH", br. 77/04 i 48/08), usvojenom godišnjom Politikom investiranja raspoloživih javnih sredstava Općine Novo Sarajevo, te pravilima struke i običaja.

Član 4.

(Stupanje na snagu)

Ova Odluka stupa na snagu osmog dana od dana objavljivanja u Službenim novinama Kantona Sarajevo.

Broj: 02OV-01-1-1441/25
Sarajevo, 06.02.2025. godine

PREDSJEDAVAJUĆI
Općinskog vijeća Novo Sarajevo

Mr. sci. Edison Pavlović

